

**Program ekonomskog osnaživanja žena sa područja MZ Kiseljak, Grad Tuzla**  
**Fond za poduzetništvo**  
**Javni poziv**

Fondacija tuzlanske zajednice u okviru projekta „Razvoj zajednice Kiseljak sa posebnim akcentom na uključivanje Roma“ kojeg implementira uz partnersku saradnju Freudenberg fondacije i finansijsku podršku Njemačkog saveznog ministarstva za vanjski razvoj (BMZ) realizuje i program ekonomskog osnaživanja žena kako bi se povećala uključenost žena u prihodovne aktivnosti domaćinstva<sup>1</sup> kao i stepen zaposlenosti žena na području mjesne zajednice Kiseljak.

**Cilj:** Osnažiti žene za pokretanje prihodovnih aktivnosti domaćinstva i/ili za pokretanje registrovane poslovne aktivnosti

**Program obuhvata:**

- dvomjesečnu obuku iz oblasti poduzetništva, u trajanju od 30 sati, koja će se održavati kroz 10 predavanja;
- mentorsku podršku; FTZ će u suradnji sa poslovnim sektorom, osigurati i stručnu mentorsku podršku svim polaznicama obuke, a kandidatkinje koje dobiju finansijsku podršku će imati na raspolaganju i mentorsku podršku u prvim mjesecima razvoja svoje prihodovne aktivnosti ili preduzeća.
- finansijsku podršku za realizaciju svog poduzetničkog poduhvata, i to: (do 2000 KM za prihodovne aktivnosti domaćinstva i do 5000KM za pokretanje registrovane poslovne aktivnosti)

**Vremenski okvir**

Edukacija će biti organizovana u periodu od augusta do oktobra 2020. godine. Zahtjev za finansijsku podršku kandidatkinje koje prođu edukaciju trebaju predati do 01. oktobra 2020. godine, a dodjela sredstava za najbolje poslovne planove i potpisivanje ugovora sa dobitnicama će se realizirati do kraja 2020. godine ili u januaru 2021. godine.

**Ko se može prijaviti:**

**Edukacija:**

- sve zainteresovane žene iznad 18 godina, koje žive u MZ Kiseljak, mogu da se prijave na edukaciju iz poduzetništva kao bi prvenstveno unaprijedile svoje poduzetničke vještine.
- za učešće na edukaciji se mogu prijaviti i punoljetne žene iz drugih mjesnih zajednica sa područja Grada Tuzla, pod uslovom da svoje poduzetničke poduhvate žele realizovati na području MZ Kiseljak, te pružiti mogućnost zapošljavanja žena, posebno Romkinja sa područja ove zajednice.

**Finansijska podrška:**

- Pravo podnošenja zahtjeva imaju učesnice edukacije koje su prisustvovala na minimum 6/10 edukativnih radionica i koje žele pokrenuti prihodovnu aktivnost domaćinstva ili žele pokrenuti registrovanu poslovnu aktivnost.

---

<sup>1</sup> Neregistrovana aktivnost koja nije usmjerena na sticanje profita nego na povećanje kućnog budžeta kroz prinose u naturi (uzgoj poljoprivrednih dobara, voća i povrća, uzgoj peradi i stoke za vlastite potrebe, i sl.).

## Prijave i kontakt

Sve zainteresovane žene iznad 18 godina trebaju iskazati interes za učešćem u programu dostavljanjem popunjenog obrasca prijave na mail adresu [albina@fondacijatz.org](mailto:albina@fondacijatz.org) najkasnije do 21. augusta 2020.godine. Prijave je moguće dostaviti ili popuniti i lično u Društvenom centru Kiseljak svaki radni dan od 09:00 – 12:00h. Dodatne informacije na broj **035 382 325**, kontakt osoba je Albina Beganović.

## KRITERIJI ZA FINASIJSKU PODRŠKU

### Ko može aplicirati:

Učesnice edukacije koje su prisustvovaloe na 6/10 edukativnih radionica i zainteresovane su za podnošenje zahtjeva su obavezne svoju ideju za prihodovnu aktivnost domaćinstva ili ideju za pokretanje registrovane poslovne aktivnosti razraditi i dostaviti isključivo u Fondacijinoj aplikacionoj formi najkasnije do 01.10.2020.

### Način podnošenja zahtjeva za finansijsku podršku

Kandidatkinje imaju mogućnost aplicirati na jedan od dva tipa podrške:

- a) za podršku prihodovnim aktivnostima domaćinstva (iznos podrške do 2000 KM)
- b) za pokretanje registrovane poslovne aktivnosti (iznos podrške do 5000 KM)

### Mentorska podrška:

Učesnice edukacije će imati priliku svoju ideju razvijati direktno na edukativnim radionicama pri čemu će pored savjetodavne podrške predavača imati i podršku stručnog mentora/ice.

Aplikantice, u procesu razvijanja svog biznis plana, imaju pravo na:

- 1 zajedničko savjetovanje sa mentorom (sastanak 2 h)
- 2 individualna savjetovanja sa mentorom (sastanak 1h)
- po potrebi savjetovanja putem telefona ili uvid u biznis plan (sugestije putem e-maila)

Termine savjetovanja aplikanti će dogovoriti direktno sa odabranim mentorima.

Ovisno od toga za koji vid podrške su se kandidatkinje opredjelile definisanu su i uslovi za vrednovanje zahtjeva:

#### a) Uslovi za podršku prihodovnim aktivnostima domaćinstva (do 2000 KM):

- Socijalni status kandidatkinje (uvid u socijalni status kandidatkinje, broj članova porodice, uvid u kućnu listu, potvrdu od Biroa za zapošljavanje TK i Centra za socijalni rad Tuzla)
- Sposobnost i spremnost kandidatkinje da realizuje svoj poduhvat (mišljenje mentora i predavača)
- Opravdanost i racionalnost ulaganja (uvid u odnos između potraživanja-ulaganja i očekivanog povrata, koristi za kandidatkinju i njenu poduzetnički poduhvat, jasan prikaz traženih sredstava i njihove tržišne vrijednosti)
- Dugoročna održivost ulaganja (uvid u mogućnosti održivosti poduzetničkog poduhvata i njegove efekte za podnosioca zahtjeva)

Troškovi koje ne možemo prihvatiti:

- Troškove koji nisu u skladu sa prihodovnom aktivnošću domaćinstva;
- Troškove za koje nije moguće izdati fiskalni račun;
- Troškovi sredstava čija ukupna vrijednost prevazilazi iznos odobrenih sredstava;
- Troškove kupovine stalnih sredstava ili zemljišta.

**b) Uslovi za podršku za pokretanje registrovane poslovne aktivnosti (do 5000 KM):**

- Sposobnost kandidatkinje da iznese poslovnu ideju

Vrednuje se kapacitet kandidatkinje, njegovo znanje (know how) o poslovnoj djelatnosti u okviru koje realizuje biznis ideju, iskustvo, vještine, odlučnost i sposobnost da realizuje svoj poslovni plan. Procjenu sposobnosti kandidata daje imenovani mentor na osnovu dojma stečenog kroz proces savjetovanja.

- Kvalitet biznis plana

Vrednuje se koliko je biznis plan jasno i razumljivo napisan. Da li je u biznis planu jasno predstavljena ideja, da li je jasno opisana usluga-proizvod, da li je realno urađena i jasno predstavljena analiza tržišta, postavljeni ciljevi, način upravljanja, finansije.

- Inovativnost biznis ideje

Vrednuje se inovacija ideje. Da li se radi o djelatnosti ili ideji koja je nova i ne postoji na ciljanom tržištu, koja je relativno rijetka na tržištu ili o biznis ideji ili djelatnosti preduzeća kojom je tržište zasićeno. Također, vrednuje se i koliko su načini poslovanja inovativni i da li se njima postiže konkurentna prednost.

- Utrživost proizvoda/usluga

Vrednuje se koliko proizvod-usluga odgovara potrebama ciljanih kupaca; koliko proizvod ili usluga odgovara na potražnju tržišta, kakav rejting ima u odnosu na konkurenciju; Procjena marketing mix plana (proizvod, cijena, promocija, distribucija).

- Održivost biznisa

Vrednuje se održivost poslovanja preduzeća (procjena rizika koji mogu naštetiti poslovanju) kao i dalje mogućnosti razvoja preduzeća (vrijednost profita, procjena isplativosti poslovanja, širenje poslovanja)

- Mogućnosti zapošljavanja

Vrednuje se broj osoba koje će se kroz realizaciju poslovne ideje zaposliti.

**Troškovi koje možemo prihvatiti :**

Prilikom izrade biznis plana potrebno je voditi računa o troškovima koji mogu biti pokriveni od sredstava Fondacije tuzlanske zajednice. Troškovi koji se smatraju opravdanim su:

- troškovi nabavke sredstava za rad i opreme za registrovanu djelatnost;
- troškove nabavke fiskalne kase;
- troškovi zakupa poslovnog prostora u kojem se obavlja registrovana djelatnost, do 20% od ukupnog iznosa potraživanja;
- troškovi vođenja knjigovodstvenih i finansijskih usluga, do 20% od ukupnog iznosa potraživanja;
- sufinansiranje troškova obaveznih doprinosa na platu, s tim da je maksimalni iznos sufinansiranja 1.000,00KM (hiljadu KM);
- troškovi promocije, do 10% od ukupnog iznosa potraživanja;
- troškovi režija (telefon, internet, el. energija, komunalije), do 20 % od ukupnog iznosa potraživanja.

**Troškovi koje nećemo prihvatiti :**

- troškove neto plata zaposlenih,
- troškove kamata,
- troškove polica osiguranja imovine,
- troškove kupovine zemljišta ili objekata,
- troškove koji nisu relevantni za implementaciju biznis plana.

troškovi registracije preduzeća (sudske i administrativne takse, izrada pečata firme)

**Predaja zahtjeva:**

Sve kandidatkinje su obavezne **dostaviti svoje zahtjeve isključivo u predviđenoj formi FTZ-a** na e-mail adresu [inicijative@fondacijatz.org](mailto:inicijative@fondacijatz.org) najkasnije do 01.10.2020. godine do 14h, ili u dva štampana potpisana primjerka, zajedno sa izjavama potpisanim od strane podnosioca zahtjeva u kancelariju

Fondacije tuzlanske zajednice u prostoru Društvenog doma Kiseljak, na adresu Ulica Prvog maja do br. 28, MZ Kiseljak, 75 000 Grad Tuzla najkasnije do 14.00h.

Nakon provjere zaprimljenih zahtjeva, Savjetodavna komisija će iste ocijeniti i sačiniti listu odabranih korisnica granta. Lista odabranih korisnica će biti objavljena na web stranici Fondacije tuzlanske zajednice u roku od 10 dana od dana donošenja odluke.

Detaljni uslovi korištenja dodjeljenih grant sredstava regulisat će se Ugovorom između Fondacije tuzlanske zajednice i odabranih korisnica.

Ismet Sokoljanin  
menadžer za razvoj programa  
Fondacija tuzlanske zajednice

Dostavljeno:

- web FTZ x 1
- protokol x 1